



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VIII. Quod si qui mutuo consensu se adinuicem receperint, dicentes, Ego te in meam, &, ego te in meum recipio: licet alter eorum alii postea se copulauerit, debet ab eo vel ab ea separari, licet ...

urn:nbn:de:hbz:466:1-15588

ANNO
CHRISTI
1179. literis ipsis, quod puella illa erat minoris aetatis, quando huiusmodi desponsatio facta fuit, tamen refert utrum cum esset minoris aetatis, fuit proxima aetati aptae matrimonio, aut infra septem annos. Ideo per apostolicam sanctionem fraternalitati tuae presentibus mandamus, quatenus veritate diligenter inquisita & cognita, si tibi constiterit quod puella praefata non esset septennis quando prememorato desponsata fuit, & postea in eum non consenserit, & quod idem V Vilhelmus ab huiusmodi desponsatione per te fuerit absolutus, matrimonium inter eumdem V Vilhelmum & matrem puellæ celebratum præcipias immobiliter obseruari, & eorumdem proles denunties esse legitimas. Quia sicut discretio tua non ignorat, desponsationes & matrimonium ante septimum annum fieri non possunt, si consensus postea non interuenit. Sane si praefata puella ante huiusmodi desponsationem septimum annum compleuerat, licet predictus vir a desponsatione ipsius puellæ ipso iure fuerit absolutus, cum ea in eum consentire solebat: in honestum tamen videtur, ut matrem eius habeat, cuius filia sibi fuerat desponsata. Verum si tibi visum fuerit, ut cum matre maneat, ne discordia inter utriusque consanguineos olim exorta, nunc autem sopita, denuo suscitetur, id dissimulare poteris, & aequanimitate tolerare. Filii autem quos ab ipsa suscepit, si eam tolerante ecclesia duxit in uxorem, a successione non possunt paternæ, vel maternæ hereditatis prohiberi.

Catus, vbi
matrimo-
nium a spō-
so cum ma-
tre sponsæ
contra cūm
tenet,

Iustitia pu-
blicæ hone-
statis.

C A P. VIII. *Idem Salernitano episcopo.*

Licet praeter solitum & amplius solito multis sumus & variis negotiis præpediti, ita quod non sit nobis facile aliorum consultationibus respondere, illa tamen spirituali gratia, quam ad personam tuam habemus, & fraterna caritate cogimus quid sentiamus de his super quibus consuluit nos prudentia tua, tibi, quantumcumque sumus aliis intenti, presentibus literis aperire. Consulisti nos siquidem, utrum inter virum & mulierem praestito, vel non praestito sacramento, si legitimus consensus interuenierit de predicti, carnali copula non secuta, liceat mulieri alii nubere: vel si nupserit alii, & carnalis fuerit copula secuta, an ab ipso debeat separari. Super hoc inquisitioni tuae

V u u iij

ANNO
CELESTI
1573.

taliter respondemus, quod si legitimus consensus ea solen-
nitate qua fieri solet, præsente scilicet sacerdote, aut etiam
eius notario, sicut etiam in quibusdam locis adhuc obser-
vatur, coram idoneis testibus interueniat de præsenti, ita
quod vnum ad alium in suam mutuo consensu verbis ex-
pressis recipiat, utrumque dicendo: Ego te recipio in
meam, & ego te in meum; siue sit iuramentum, siue non,
non licet mulieri alii nubere: & si nupserit, & fuerit carna-
lis copula subsecuta, ab eo separari debet, & ut ad pri-
mum redeat, ecclesiastica districione compelli, quamvis
alii aliter sentiant, aliter etiam a quibusdam prædecessori-
bus nostris sit aliquando iudicatum.

C A P. IX. *Idem Vuigorniensi episcopo.*

Meminimus nos ex parte tua quæstionem huiusmodi
audiuisse, scilicet, utrum illi qui se ad religionem coram
episcopo deuouerant transituros, & habitum religionis
suscepserunt, si postmodum vxores duxerint, cogendis sunt
eas dimittere, & ad ecclesiam, cui se contulerunt, redire.
Super hoc utique duximus respondendum, quod si quis-
quam qui se religioni deuouerit, & habitu suscepto pro-
fessionem fecerit, postmodum aliquam sibi copulauerit,
est ab ea cogendus recedere, & ad ecclesiam, cui se contu-
lit, debet sine contradictione transire. Verum si habitum
non suscepit, nec professionem, sed solummodo votum
fecit, & se ad religionem transitum promisit: licet postea
matrimonium contraxerit, non est ad ecclesiam cogendus
transire, & matrimonii votum rescindere.

Infra de
monachis
in probatio-
ne suscep-
tis.

C A P. X. *Idem Noruicicensi episcopo.*

Continebatur in literis tuis, quod cum quædam puella
infra nubiles annos cuidam viro in vxorem tradita fuerit,
& ab ipso traducta parentibus assentientibus eam legit-
imæ ætatis existere, haec ad nubiles annos perueniens, alii
nubendi licentiam postulauit, afferens se in eumdem vi-
rū nullatenus consensisse: prædictus vero vir econtra
proponit, quod licet eadem puella nondum forte annum
duodecimum attigisset, cum tradita fuisset ei in uxorem,
usque adeo tamen fuit ætati proxima, quod ipsam carnali
commixtione cognouit. Inde est, quod cum ipsa eidem vi-